

EZTAIDA URREZKOAK. ¹

Eztaida urrezkoak
 Dira zelebratzen,
 Bedorren onran gogoz
 Gaur det izkribatzen;
 Jakintsuen artian
 Buru da agertzen,
 Aita bedorri degu
 Pozik izendatzen.

Fede aundiarekin
 Det nik sinistatzen,
 Gizon jakintsu dana
 Nola duten gurtzen;
 Guztiak geradela
 Belaunikatutzen,
 Bedorren oñetara
 Gera biurtutzen.

Kantatuaz banua
 Erroma aldera,
 Jakinduri aundiko
 Aita ikustera;
 Guazen bada guztiok
 Esker ematera,
 Alkartuaz albada
 Jaunaren echera.

Erabakirik danak
 Dute aukeratu,
 Eta ipiñi dute
 Leon Aita Santu;
 Gizon jakintsu danak
 Dirade alkartu,
 Eser aulki aundian
 Jarri dute prestu.

Euskaldunen artian
 Da ezagutua,
 Bedorren jakinduri
 Miragarrizkua;
 Bedorri izandu da
 Beti maitatua,
 Izan dedilla orla
 Ondo onratua.

Nere biotzak nai du
 Joan bedorregana,
 Bedorri da munduban
 Jaun ta jabe dana;
 Bizi bedi gurekin
 Gizon aundiena,
 ¡Bai! bizi bedi Leon
 Amairugarrena.

JUAN IGNAZIO URANGA ETA BERRONDO.

Donostian.

(1) V. nota de la pág. 1.